

INDEPENDIENTE CARAVEL A CUMPLI 20 AÑA EXISTENCIA

ORANJESTAD (AAN): Awe 15 januari 1997 Directiva di S.V.Caravel kier a recorda e hecho cu ariba 15 januari 1977 nos equipo di futbol esta S.V.Independiente Caravel a keda oficialmente funda.

Awe, un biaha mas Directiva kier a haci uso di e oportunidad, na un ocasion asina grandi pa gradici na prome lugar tur e hungadornan cu a hunga y tambe esnan cu ta hunga ainda pa S.V.Independiente Caravel.

Tambe tur miembro di e Directivanan di e ultimo 20 aña.

Di esakinan un recordatorio especial ta bay pa tres persona inolvidable pa S.V.Independiente Caravel esta: Sr.Juan Werleman, Sr.Deto Varis, y Sr.Andresito "Zico"Koolman, tur tres den sosiego eterno.

Directiva kier a gradici tambe tur su miembro, sponsor y simpatisadornan cu na un of otro manera semper a yuda y lo keda yuda S.V.Independiente Caravel.

Den esaki un reconocimiento especial pa Sra. Ia y Juan Croes, Sr.Chinto Werleman y yunian, Sr.Bernardo Dirks y yunian, cu como bisinjanan yega di S.V.Independiente, na un manera ejemplar a soporta presencia di nos equipo.

Na Sra.Apolonia Werleman, casa di nos President Sr.Emeraldo Werleman, cu durante 20 aña largo a percura pa cada wega tur uniform tabata y ta limpi.

Directiva kier a duna un danki grandi y alavez un reconocimiento especial pa muestra di su amor pa nos equipo di futbol.

Na e diferente sponsornan

esta Viasa, V.F.Painting, Special Security Team, Urataka Best Pizza y actualmente Avianca y Decos's Heavy Equipment.

Nos kier a duna un gradicimento en grande pero seguramente tambe na tur esnan cu Directiva por a aserca pa ayudo y a ricibi esey.

Danki y sigui apoya deporte.

Un danki y reconocimiento grandi ta bay pa e diferente comisionnan cu semper a sa di yuda S.V.Independiente Caravel.

Na unda semper menciona especial e damanan cu semper a yuda esta Sra.Sofia, Sra.Astrid, Sra.Apolonia, Sra.Chila, Sra.Mani, Sra.Gloria, Sra.Diana, Sra.Dorinda, Sra.Ninushka, Sra.Gina y tur demas cu no a menciona.

Boso ayudo semper lo ta un grato recuerdo pa full e equipo di S.V.Independiente Caravel.

Directiva kier a termina cu un disculpa grandi na cualkier persona o instancia cu nos no a menciona pero Boso ta sigui cu Boso ta forma parti di nos pensamentonan, den esaki p.e.Prensa den su totalidad, Arubaanse Voetbalbond, Sr.Roy Helder, Sr.Rufo Kelly y tur otro equiponan di futbol.

S.V.Independiente Caravel durante e 20 añanan di existencia tabatin contra tiempo pero a sigui lucha den tempo bon y tempo malu pa por a jega awe como un equipo grandi.

No tabata facil pa mantene un club asina tanto mirando e contricantenan pero e sacrificio y esfuersonan a ser corona loka tabata e deseo di e miembro, hungador y fanaticonan.

S.V.Independiente Caravel e aña aki lo milita den Division Honor y Aruba lo por ta sigur cu nos lo haci esaki cu mes un entusiasmo di semper y cu: un meta, esta ser mihor, ser campeon.

Alavez Directiva kier a menciona dos di su humilde plannan pa futuro esta esun ariba termina corto ta viajamento di equipo pa Colombia y tambe e plan grandi cual ta renobacion di nos clubhuis.

Cu e recordatorio chikito aki Directiva di S.V.Independiente Caravel kier a felicita tur persona cu ta yega di corazon of pensamiento na nos equipo.

Diario Deportivo awe kier a manda un felicitacion grandi na e equipo cu a caba di promove pa Division Honor, Independiente Caravel cu nan 20 aña di existencia.



Cofundador di S.V.Caravel, Juan Werleman q.e.p.d. apertura Mini-Club 1977, Lourdes Bello madrina.



S.V.Caravel a titula campeon 1994 Division II.



S.V.Independiente Caravel a titula campeon Division 1.y promove pa Division Honor. Pabien cu nan 20 aña di existencia.



S.V.Caravel ta ser patrosina pa Avianca representa pa Pierre Croes, Colochi Varis di Deco's Equipment, presidente Caravel E.Werleman.